

# Protocol dalla radunonza generala dalla pleiv Rueun Ruschein Siat Pigniu da sonda ils 13.05.2017 allas 20.00 a Ruschein

---

Punctual allas 20.00 arva il president Hugo Schär l'emprema radunonza generala dalla pleiv fusiunada. El admetta a tuttas presentas e presents in cordial beinvegni.

Perstgisau han: Ursula Capaul-Mirer, Robert e Silvia Cavigelli, Juliana Riedi-Stiefenhofer, Silvio Cadruvi, Franz Coray e Pia Thoma.

L'invitaziun e la gliesta da tractandas ein stadas publicadas el fegl official. La gliesta da tractandas vegn approvada senza cuntervuschs sco suonda:

## **Gliesta da tractandas:**

1. Elecziun da dus dumbravuschs
2. Protocols dallas radunonzas generalas dallas anteriuras pleivs
3. Rapport dil president
4. Rapports dils augsegners
5. Rendament dils quens dallas anteriuras pleivs
6. Rapport dils revisurs ed approvaziun dils quens dallas anteriuras pleivs
7. Damonda da credit sanaziun orgla baselgia S. Andriu Rueun
8. Damonda da credit per project renovaziun caplutta S. Antoni a Ruschein
9. Regulativ per far diever dallas baselgias e capluttas
10. Approbar la revisiun dils statuts " Zweckverband Religionsunterricht" dallas scolas Ilanz/ Glion ( scalem superiu )

11 Fixar il pei da taglia per il 2018

12. Orientaziuns

13. Varia

### **1. Elecziun da dus dumbravuschs.**

Clara Cadruvi Ruschein e Gregori Cavigelli Siat vegnan tscharni ed elegi unanimamein. 42 persunas vuschablas ein presentas.

### **2. Protocols dallas radunonzas generalas dallas anteriuras pleivs**

Ils protocols ein stai exponi mintgamai en las baselgias parochialas per investa. Ord quei motiv san ins desister dalla prelecziun.

Ils protocols vegnan approvai unanimamein senza discussiun. Il protocol dalla radunonza constitutiva a Rueun, vegn approbaus proxima radunonza generala.

### **3. Rapport dil president**

Demai che la nova pleiv fusiunada exista per dapi 1. da schaner 2017, tegn il president mo in cuort rapport. El menziunescha cuort las impurtontas lavurs che la suprastonza ha gia exequiù en quei cuort temps. Sco per exempel contracts cun collaboraturas e corrobatururs, prender assicuranzas sut in tetg sco era elaborar regulativs. Proximamein vegni la suprastonza a sedar giu intensivamein cun igl avegnir dalla pastoraziun en nossa pleiv. Engraziund, siara il president siu rapport.

### **4. Rapports dils augsegners**

Sur Ignazi Pally menziunescha en siu cuort rapport sia situaziun. Tier tut ch'el seigi gia vargaus ils 75 onns, seigi el vegnius animaus dil vicari general Andreas Fuchs sco era d'entginas parochianas e parochians da pastorar vinavon, ed el seigi era prompts da surprender vinavon la responsabladat. Sur Pally ei clar dil

meini ch`ins duess buca reducir las s. messas dalla dumengia. Pia era garantir vinavon mintga dumengia en mintga pleiv ina s.messa.

Sur Dirk Jasinski menziunescha la massiva digren dalla gliedud che fa part dalla s.messa dalla dumengia. A quei fact vegni era a midar pauc cun far messas communablas.

Sur Jasinski propona en siu rapport, ch`ins duessi ponderar da fundar in cussegl pastoral sur l`entira pleiv, ni eventual fundar gruppas d`interess per mantener ils usits cristians. El engrazia a tuttas collaboraturas e collaboraturs.

## **5. Rendament dils quens dallas anteriuras pleivs**

## **6. Rapport dils revisurs ed approvaziun dils quens dallas anteriuras pleivs**

Tut ils quens dallas anteriuras 4 pleivs, era quens baselgias e capluttas, ein vegni serrai giu sin ils 31.12.2016. Era la revisiun ha giu liug en las anteriuras pleivs. Aschia vegnan ils quens era presentai mintgin singul.

### **Pleiv S. Andriu Rueun**

Il quen dalla pleiv S. Andriu Rueun siara cun in gudogn da	frs. 22097.80
Summa da bilantscha per ils 31.12. 2016 da	frs.178669.57

### **Capluttas Rueun**

Caplutta s. Maria Madleina facultad ils 31.12.2016	frs. 7468.20
Caplutta s. Franzestg                   "       "       "	frs. 8816.20
Caplutta s. Clau                         "       "       "	frs. 42679.59
Caplutta s. Antoni                     "       "       "	frs. 15619.35

Sin fundament dil rapport da revisiun dalla revisura Pia Thoma e dil revisur Martin Schnoz vegnan ils quens approvai unanimamein.

### **Pleiv s. Gieri Ruschein**

Il quen dalla pleiv s. Gieri Ruschein siara cun in gudogn da frs. 33308.75  
Agen capital per ils 31.12. 2016 da frs.110577.95

### **Baselgia s. Gieri Ruschein**

Il quen dalla baselgia s. Gieri Ruschein siara cun sperdita da frs. 469.75  
Agen capital per ils 31.12.2016 frs. 61096.80

### **Capluttas Ruschein**

Caplutta Nossadunna facultad ils 31.12. 2016 frs. 1813.70  
Caplutta s. Antoni " " " frs. 5812.15  
Caplutta s. Valentin facultad ils 31.12.2016 frs. 4321.45

Sin fundament dil rapport da revisiun dils revisurs Franz Coray e Silvio Cadruvi vegnan ils quens approvai unanimamein.

### **Pleiv s. Flurin Siat**

Il quen dalla pleiv s. Flurin Siat siara cun sperdita da frs. 13876.80  
Summa da bilantscha per ils 31.12.2016 frs. 39594.95

### **Baselgia s. Flurin Siat**

Il quen baselgia s. Flurin Siat siara cun in gudogn da frs. 5327.64

### **Capluttas e fondos Siat**

Caplutta s. Ambrosi activa per ils 31.12.2016 frs. 4334.40  
Caplutta s. Gion " " " frs. 3226.65  
Caplutta s. Gliezi " " " frs. 32670.05  
Fondo messas perpetnas " " " frs. 15418.75

Fondo da l'orgla	"	"	"	frs.	19383.40
Fondo paramenta	"	"	"	frs.	7634.50
Fondo renovaziun baselgia "	"	"	"	frs.	94052.00
Capital d'investiziun	"	"	"	frs	120000.00

Sin fundament dil rapport da revisiun dalla revisura Anita Vincenz e dil revisur Arno Casanova vegnan ils quens approvai unanimamein.

### **Pleiv s. Valentin Pigniu**

Il quen dalla pleiv s. Valentin Pigniu siara cun sperdita da	frs.	14951.80
Facultad ils 31.12.2016 da	frs.	21471.55

### **Baselgia s. Valentin Pigniu**

Il quen baselgia s. Valentin Pigniu siara cun in gudogn da	frs.	4621.00
Facultad per ils 31.12 2016	frs.	40623.80
Conto messas fundadas facultad ils 31.12.2016	frs.	26500.00
Caplutta Nossadunna Pigniu facultad ils 31.12.2016	frs.	4713.00

Sin fundament dil rapport da revisiun dils revisurs sur Ignazi Pally e Lorenz Alig vegnan ils quens approvai unanimamein.

## **7. Damonda da credit sanaziun orgla baselgia s. Andriu Rueun**

L'orgla en baselgia a Rueun basegna d'ina revisiun e schubergiada generala.

Ils cuosts per l'entira sanaziun da l'orgla muntan tenor offerta frs 47'952.- La suprastonza tschenta la damonda per in credit da.- **frs. 50'000.-**

Suenter cuorta discussiun conceda la radunonza il credit giavischau cun 39 vuschs persuenter e negin encunter.

La suprastonza duei denton mirar schebein ei dess in sustegn finanziel dil Corpus Catholicum, ni autras instituziuns.

## **8. Damonda credit da project renovaziun caplutta s. Antoni Ruschein**

La caplutta s. Antoni Ruschein basegna d'ina renovaziun parziala. Previu ein lavurs da manteniment. Las fassadas han pitiu donns entras la humiditad, il planschiu sura ha sfendaglias ed il maletg duei vegnir frestgentaus.

La renovaziun duei vegnir organisada tras ina gruppa d'interess, ch'ei vegnida fundada per quei intent. Per las lavurs d'architect duei signur Indergand vegnir incaricaus. La finamira ei, da curclar ils cuosts cun daners ord donaziuns.

Per realisar quella renovaziun basegna ei in credit da **frs. 20'000.-**, sco capital da partenza en favur dalla fundaziun caplutta s. Antoni Ruschein.

Suenter cuorta discussiun conceda la radunonza il credit giavischau cun 37 vuschs persuenter e neginas cuntervuschs.

## **9. Regulativ per far diever dallas baselgias e capluttas**

Per reglar il far diever da nossas baselgias e capluttas, ha la suprastonza elaborau in regulativ. Tal regulativ vegn presentaus alla radunonza e dau liber la discussiun. Ella discussiun van ils meinis empau in ord l'auter, denton crodan neginas concretas propostas per far midadas.

Aschia vegn il regulativ approbaus unanimamein conform alla presentaziun.

## **10. Approbar revisiun dils statuts " Zweckverband Religionsunterricht" dallas scolas Ilanz/ Glion( scalem superieur)**

Ils statuts " Zweckverband Religionsunterricht" vegnan presentai alla radunonza.

Ils statuts regleschan l'organisaziun dall'instrucziun religiosa sin scalem superieur enteifer la vischnaunca politica Ilanz/Glion.

Dalla discussiun vegn buca fatg diever. Ils statuts vegnan approvai unanimamein.

## **11. Fixar il pei da taglia per 2018**

Sin proposta dalla suprastonza vegn decidiu unanimamein e senza discussiun da fixar il pei da taglia per 2018 sin **16%**.

## **12. Orientaziuns**

-personal: Irmgard Cavigelli surpren l'instrucziun religiosa a Ruschein. Igl engaschament entscheiva cun l'entschatta digl onn da scola 2017/18.

Juliana Riedi ha abdicau la piazza da calustra a Rueun. Niev surpren Petra Lehmann quell'incumbensa.

L'incumbensa da organist a Siat surpren parzialmein Fidel Lutz.

-finanzas: Nies fiduziari Adrian Bergamin orientescha cuort sur da sia lavur da unificar la contabilitad.

-baghetgs e schischom: -Eventuala sanaziun dalla casa parvenda Ruschein.

-La vischnaunca politica da Ilanz/Glion damonda da cumprar terren dalla pleiv a Rueun.

-pastoraziun: En caussa pastoraziun sa la suprastonza aunc buca dar informaziuns. Ins ei vidlunder d'encurir schligiazziuns.

## **13. Varia**

Il president engrazia a Juliana Riedi, la quala ha abdicau la piazza da calustra a Rueun, per sia nunstunclenteivla lavur prestada.

Era engrazia il president a Daniel Coray per siu engaschi, el ei seretratgs sco ugau baselgia s. Gieri Ruschein.

Lorenz Alig ei dil meini che la situaziun finanziaria da nossa pleiv sforzi nus da restrenscher la pastoraziun sin ina piazza da ca. 80%.

Allas 22.15 siara il president la radunonza, el engrazia per la preschientscha e giavischa in bien retuorn a casa.

Ruschein ils 13 da matg 2017

il president

Hugo Schär

igl actuar

Hubertus Spescha